

中國邊境史料通編

(秦—清)



中國邊境史料通編

(秦—清)

戡定新疆記卷五

糧餉篇

塞外用師籌餉難於籌兵籌糧難於籌餉路阻以遠勞費倍千百籌轉運更難於籌餉籌糧其大較也

國朝屢征西域皆豐亨豫大之時士飽馬騰師武臣力役不逾時而大功者定咸豐之季勢稍殊矣中原擾攘兼顧弗遑其時文麟成祿景廉榮全諸統帥各自爲軍亦各自爲餉紛紜倣擾無足紀錄自內患既平於是合天下之力濟絕幕之師中間海防并務籌濟益難語其度支則竭澤之漁也校其精銳則強弩之末也而聖謨堅定于上老成擘畫于下卒能殄殲大憝載纘武功嗚呼偉哉謹采撫糧運方畧爲糧餉篇第一

同治十三年秋八月

上以大軍陸續出關派左宗棠督辦糧餉轉運以內閣學士袁葆恆爲幫辦移西征糧台於肅州令葆恆前往駐劄先是十二年秋白逆竄擾哈密

朝旨已命宗棠飭各屬籌辦軍糧在玉門安設轉運糧台宗棠旋請簡任戶部堂官總司其事有

詔不許是冬十二月又

詔宗棠統籌各軍所需糧餉軍火每月應用若干寬爲預備毋令稍缺如各軍逗遛不前罪在主將儻因糧乏貽誤惟左宗棠是問並飭查明關外運道繪圖呈覽宗棠奏言由肅州出嘉峪而西本漢唐行師大道使關內糧足供裹帶車駟馳隻足供周轉出關之兵何憚不

進然出關非難至由安西抵哈密計程十一站千里而遙經由戈壁無台站無水草砂礫縱橫人馬困躓中間僅安西城北四站馬蓮井尚可小憩過此又七站始抵哈密回城地險而腴纏回聚居軍興以來音耗闊絕近被白逆股匪竄擾餘糧能否採買更無從知前與諸軍集議官軍分起次第前進必先將甘涼採買糧料運存肅州又由肅運至玉門然後頭起開拔至玉門又用私駝轉運玉門存糧赴安西騰出官駝官車轉二起軍糧而後第二起繼進餘均仿此比抵安西作一停頓又稟糧進哈密如此層遞銜接人畜得以稍舒而士氣常新可免意外之慮又言肅州安西共隸一道而產糧贏絀運殊肅州高台腴地也安西玉門頗多沙磧而敦煌爲上腴軍興以來民困逆回擾掠復苦官軍攤捐久矣人民存者不過十之三四地畝荒廢

大半官軍借興屯之名先給子糧牛價抵算採買糧銀搜括抑勒戶口流亡自白逆竄出關外安敦玉彫劫之狀較勝從前臣在肅見難民絡繹入關恐轉徙日多荒地無人耕墾籌銀三萬兩分給三州縣並發寒衣萬襲賑之冀留此災黎盡力耕墾庶異時餘糧出糶關外各軍可就近採買然目前軍食不能取給安西甘涼肅素稱腴地頻年戎馬被害最酷自徐占彪偏師搗肅諸軍戡定河湟甘涼道路肅清農民得安耕穫兩年來尙供官軍採買然死亡既多川原耕種不過十之三旱地更無過問者臣由蘭到肅途間士民紛紛求免採買經臣再三開導除留民食及子糧外諭悉數出糶幸三郡民情樸愿知官軍誓滅此賊且能不擾遂得集有成數通計涼甘肅三郡定買市斗京糧十六萬三千餘石按照額徵倉斗則三十餘萬石幾敵通

省常年額賦雖優議價值每市斗一石重三百餘斤給銀四兩而民繳納不前市價驟長每石章至六七兩之多據甘州府縣稟報棍徒喬良廷李太和造謠煽惑阻納官糧以致市肆抬價貧民糴食無出軍民交困臣察訪得實立飭將喬良廷李太和杖斃並以署甘涼道蕭宗幹辦理額預撤任查辦民間交糧乃漸踴躍然以定買糧料總數供金順張曜額爾慶額三軍食用及糧運車駝隻防營所需食用算至明歲六月新熟尙短糧料市斗二萬餘石現擬盡括額徵本色及各標營季糧陸續填種未知能否足敷且甘肅地氣高寒麥秋雖在六月而民間割麥完畢必堆積成垛俟稟糜結脫始便碾打上市臣此次七月由蘭啓行八月十二抵肅沿途村舍麥垛雖多而繳官上市者少明歲節候雖早計民間繳納新糧必俟八月陳糧尙應

寬籌兩月庶新熟之交得資接濟此籌糧艱苦之情形也就轉運言
自涼州至肅九百里自肅至安西千四百餘里路多砂石用駝爲宜
惟駝非農所畜向來民間惟驢馬牛驢以供農事藉應差徭所有惟
木輪大車不耐負重遠行頻年賊回擾掠牲畜極少差車無供上年
成祿出關強拉差車數百輛甫至玉門車夫棄車而逃並驢馬亦拋
置不顧無從措手臣派弁三路出口採馱三千值蒙古馱少價昂採
不及半報到僅六百餘隻臣過甘肅道府請重價雇民車每運糧百
斤行百里許給銀四錢其應出差車給銀二錢計四十餘日民車差
車運糧料到局不滿三千石幸臣前調集各營官驛千有六百先後
到齊勉資周轉而前用民價在蘭州平涼所雇商民車馱駝隻及袁
葆恒在河南購辦車輛亦陸續搭運軍裝軍火抵甘於是轉運稍旺

肅州乃有存糧以後可不須重價雇民車然通計由涼甘採糧運肅由肅駛運至安西合計民運車駛駝隻腳價及官車官驢官駝員弁人夫薪糧牲畜口袋什物局費一切攤算每糧百斤需用銀十一兩七錢內外勞費如此豈此時財力所堪若非預籌撙節動言用衆恐官軍餉餉不繼精臺儲峙早空不但後來難保此不竭之源卽目前出關之師且憂飢潰此轉運艱苦之情形也自古關塞用兵在精不在多穆圖善步隊皆冗雜之軍不獨虛糜至艱之餉且恐有礙大局請

飭其仍帶所部吉江馬隊駐安敦玉督辦轉運其步隊概予撤遣以節虛糜得

旨允准宗棠又念裁撤步隊撙節雖多若出關糧價運脚均於正餉

劃扣士卒何以爲生復奏言各軍餼事本有一定數目以協解實數按照員弁兵勇長夫均勻攤算計每名每年可得三十餘兩實銀除備製造添補軍需軍裝購買駝隻之用別無餘賸至糧料牽算計每人所食月須淨糧四十五斤馬隊一騎日需料五斤草十二斤兵勇長夫兩名月需食糧九十斤照步隊攤算馬隊一營二百五十騎抵步隊一營五百人長夫二百名之數料價稍減腳價則一運道近腳價猶少運道遠腳價增多現籌出關轉運腳價多於糧價數倍者兵燹後人物凋殘絲毫不能藉資民力與承平時迥異無論子遺之民尙須官賑賑糧尙須官運也各軍馬步兵勇每月應得實銀三兩有奇若按照食用糧料腳價攤扣則馬步兵勇即將所得實餉盡數賠繳尙須找銀繳局萬無是理若不按名按騎攤扣則糧料價值轉運

脚費又將何出請

飭下戶部兵部會議出關各軍應得正餉每名每月若干兩戶部旋奏應由左宗棠查明出關軍營弁兵實數所需正餉糧料運脚等項按照例章並體察關外情形每月實需銀若干及出關各營原撥餉項分晰聲敘先行奏明宗棠上言張曜所部嵩武軍馬步十四營按人馬實數每月應支淨糧料四十三萬六千九百五十斤共管驢駝弁夫應支食糧驢駝應支食料尙不在內該軍由河南應餉每月應得正雜餉銀三萬六千二百八十餘兩若將糧料價值轉運各費攤扣不但全軍無餉且欠數甚鉅請將該軍糧運經費作正開銷宋慶所部毅軍步隊十四營又一旗馬隊一營又一起統計步勇七千二百名長夫千五百餘名馬勇四百名長夫百三十六名共計馬步勇

書 卷 五

卷 五

三

夫九千一百三十六名隨員差弁丁夫不計月需淨糧料四十九萬三千一百餘斤照河南餉章大建月支銀四萬二千餘兩小建月支四萬一千餘兩該軍暫駐涼州甯夏就近採運糧料供軍價平脚省尙毋庸議加現擬撥馬步勇丁千名馬百餘匹先進哈密放水灌池爲續進開墾計及將來出關所需糧運屆時必照張曜餉事議增得旨允行由是各營得正雜餉欸以資食用津貼軍情大愜惟部議宗棠原奏出關各軍運脚每糧百斤需銀十一兩七錢上下照定例按程核算數目懸殊宗棠復稱例載運脚係專指雇用車騾駝價而言原奏關內採運由涼州歷甘州肅州達安西計程千五百六十里每糧百斤需銀一十兩七錢上下係合糧價車騾駝隻脚價及員弁人夫薪糧牲畜草料口袋什物局費一切統算在內故與例載專係脚

價者不符若專就運脚言固不懸殊也且甘省新復人物凋殘絲毫不能藉資民力與從前承平日久地方完善情形判若霄壤未可按照成例致誤轉輸現時關內轉解糧餉軍裝軍火官運民運相輔而行民運脚價無論雇用車駝騾馬酌定百斤百里給銀四錢而額爾慶額出關雇用民駝自定百斤百里給脚價五錢關外食物昂於內地脚價較內地加增現辦情形已難一律也民運脚價外尚有民夫口食牲畜餵養及應用食物各項一有缺乏立形滯礙停待一日所費更多故必設官局隨時給領酌扣價銀始爲省便雖比民間買價津貼已多而費不容惜故關內民運百斤百里給脚價銀四錢合局用津貼實不止四錢關外民運百斤百里給脚銀五錢合局用津貼亦不止五錢也官運須分途採購車馱分幫派弁夫管理車軸鞍架

繩索口袋什物須隨時修整備辦牲畜須按站預備草料醫藥以資
餵養車輛損壞牲畜倒斃又須截併挑換隨時買補填槽所費極繁
而總分局員弁夫役護勇工匠薪糧局用正雜諸費尙未計及此項
費用指官民運脚而言自應攤入糧價併算約言之爲一端分言之
則款目瑣碎非俟轉運藏役專案據實開報請銷急難清理此時就
臣墊糧價實銀而言金順一軍領過糧料截至本年九月內共千二
百萬斤應攤合價銀六十六萬餘兩張曜一軍領過糧料截至本年
九月止共支四百七十萬零九百餘斤應攤合價銀二十五萬九千
餘兩此皆內軍未出關以前由甘肅州各局就近支領居多故攤
扣價銀每百斤合五兩五錢有奇若全隊出關後糧運仍由內地籌
供則由涼州遞運安西每糧百斤實需銀十一兩七錢有奇安西轉

解哈密又須從新起算程途遠近即腳價多寡所分路途少一站運費省一站故甘屬運腳省於涼肅屬運腳省於甘奎算分攤費自輕減並非以由涼州至安西十一兩七錢上下爲定也

諭旨飭移西征糧台駐肅州宗棠旋奏軍行糧隨設台必緊居前敵後乾隆中兩定伊犁官軍由烏里雅蘇台科布多入師行北路故糧台設於北路道光初用兵討張格爾時賊陷喀什噶爾繼陷烏什和闐葉爾羌官軍會師阿克蘇直指喀什噶爾師行南路故糧台設於肅州分設託克遜阿克蘇各城皆南路也現在局勢額金兩軍已由安西哈密前進北路巴古濟木薩之糧僅供主客兵民屯食應厚其儲峙備支應續進之軍西征糧台若移設肅州則偏於南路北拒古城二千九百六十里台司應支何由察諸軍羸縮而各協其宜東北

拒科布多四千三百餘里距烏里雅蘇台近六十里台辦採運何由
察價脚低昂遲速而盡得其實無論軍行北路糧台設南路事爲從
前所未有也茲查肅局所辦採糧轉運一切事宜已有頭緒可保無
悞是糧台毋庸移設肅州明矣袁葆恒擬購駝價銀已咨明劃解烏
城所購駝隻由北路巴里坤交收牧放備撥是北路轉運不患無駝
烏科雖非產糧之區然景廉十年十一月奏准口北運解軍糧不少
嗣因採駝二千五百隻無款停止僅咨蒙古遞運其到營不及十分
之一餘存烏台科城半多朽腐遂請停運是北路採辦不患無糧然
則糧台移設北路供支北路軍以今視昔其又奚疑台設北路景廉
遺存烏科之糧得資轉運所購駝隻噉口外鹼草壯健有力日間僅
餵鹽料較肅州餵飼須耗人食之糧又加節省譬如圍碁一著活而

滿盤俱活矣懇飭下袁葆恒毋庸拘照移台肅州駐紮之

諭飭於烏里雅蘇台科布多巴里坤擇一處移台兩處設立分台尅期集事庶明年駝隻歇廠前北路儲峙充裕先進之軍迅赴戎機續進之軍絡繹爭赴時局大有裨益經費大可節省

詔袁葆恆務與宗棠和衷商榷毋得各存意見葆恒奏巴里坤爲南北適中之地且緊接大軍後擬將糧台移改巴城并請商調舊部皖軍數營前來護運

上飭宗棠酌度情形奏明辦理宗棠疏言袁葆恒稱糧台宜移設巴城是也巴里坤距各軍駐紮之古城濟木薩等處爲程七百里車駝暢行無阻台設巴里坤照料易周各軍赴台領運取攜甚便回亂以來城垣完好如常惟巴城產糧無多從前天時地利人和三廠屯田